



Laksang Diwa

Ang opisyal na pahayagan ng Kasagana-Ka Development Center Inc.

Kasagana-Ka @ 10: Paglingon at Pagsulong

Matagumpay na ipinagdiwang ng Kasagana-Ka ang ika-sampung taon nitong anibersaryo noong Oktubre 5, 2012 sa Crossroad 77, Quezon City. Ang anibersaryo ay dinaluhan ng 715 client-beneficiaries mula sa iba't ibang field offices, mga empleyado at ilang mga panauhin.

Ang tema ng anibersaryo para sa taong ito ay "Paglingon at Pagsulong", kung saan sa tulong ng mga *photo and video presentation* ay sama-samang inalala ng bawat isang dumalo ang sampung taong paglalakbay at pakikibaka ng Kasagana-Ka sa mundo ng *microfinance* at pagtulong sa kapwa.

Nagmistulang *Awards Night* ang takbo ng programa dahil sa iba't ibang parangal at pagkilala na ipinagkaloob sa mga client-beneficiary at mga empleyado. Una na dito ay ang pagkilala sa Natatanging Socio-Economic Officer ng Taon na si Don-don Dinglasan mula sa Fairview Field Office. Ang kinilala naman bilang Natatanging Bookkeeper ng Taon ay si Emma Garsuta mula sa Padilla Field Office.

Tumanggap naman ng *Loyalty Award* ang mga empleyadong may lima at sampung taon ng kabahagi ng Kasagana-Ka. Nagkaroon din ng *Awarding of Certificate* para sa mga empleyadong nakapagtapos sa *SEDPI Diploma Course*.



SA ISYUNG ITO

Ten O.N.E Winners:

Sila na!

- pahina 2

WIWAG? Ano

yun?

-pahina 3

May 'K' ka ba?

-pahina 4

And the winning

Team is...

- pahina 5

Kasagana-Ka 10th year anniversary noong Oktubre 5, 2012

Ang mga Natatanging Entrepreneur ng KDCI

ni Norman Los Años

Kasabay ng ginawang pagdiriwang ng Kasagana-ka sa ika-10 Anibersaryo nito ay ang pagpili ng Ten Outstanding Nanay-Entrepreneur o Ten ONE. Ang patimpalak ay nilahukan ng client-beneficiaries (CB) mula sa iba't-ibang field offices. Ang Ten ONE ay ang pagpili ng sampung mahuhusay na microentrepreneur sa limang kategorya: MASIPAG/MASIKAP, MASINOP, MATULUNGIN, MATAPAT, at MALIKHAIN.

Mahigit 100 na CB ang nakapasa sa initial screening at mula rito ay naging 48 na lamang sa final screening. Ang pagpili sa Ten ONE ay pinangunahan ng mga area managers at ni Mr. Garth Noel Tolentino, isa sa mga Board of Trustees ng Kasagana-ka. Ang bawat CB na nagwagi ay pinagkalooban ng PHP 10,000.

Sa susunod na taon ay pipili muli ang Kasagana-ka ng isang Outstanding Nanay Entrepreneur bawat cluster upang bigyan ng parangal at pagkilala.

Ang mga nagsipagwagi sa **Ten ONE**:

Kategorya	Pangalan	Field Office (Sentro)
Masipag-Masikap	Ludegaria Abrecinos	Masinag (Villa Ynarez)
	Fe Makilang	Tungko (Mactan)
Masinop	Rosie Maglipas	Taytay (Kaayusan)
	Elizabeth de Guzman	Montalban (Proper)
Matulungin	Resurrecion Aquino	Padilla (Imelda)
	Hermilina Dela Paz	Padilla (Hidden Valley)
Matapat	Estela Recato	Padilla (Teacher's Ville 2)
	Erlinda Obiasca	Sapang Palay (St. Dominic)
Malikhain	Jocelyn Romero	Marilao (Harmony Hills 1)
	Tessie Teo	Tungko (Black Nazarene)



Ang Ten Outstanding Nanay-Entrepreneur nominees kasama ang area managers na sina Dexter Flores at Generoso Quinto

mula sa unang pahina

Isa sa mga naging highlights ng programa ay ang kauna-unahang pagkilala sa *Ten Outstanding Nanay Entrepreneur* (Ten O.N.E). Ito ay ang pagbibigay ng parangal sa sampung Client-Beneficiaries na na nagpakita ng kakaibang husay at tagumpay sa kani-kanilang mga kabuhayan.

Ang huling parangal na ipinagkaloob ay ang Gawad MARCELO, isang parangal na nakalaan sa indibidwal na nagbigay ng natatanging ambag sa Kasagana-ka. Para sa taong ito, si Father Noel Vasquez ang pinagkalooban ng Gawad na ito.

Masasabing ang anibersaryo na ito ay isa na namang kaganapan na hindi malilimutan sa kasaysayan ng Kasagana-Ka. Isang kaganapan na magsisilbing inspirasyon at hamon sa buong pamunuan ng organisasyon upang magpatuloy sa paglilingkod at pagtulong sa kapwa.

Maligayang ika-sampung taong anibersaryo, Kasagana-Ka!



Highlights ng Anibersaryo. **Sa kanan:** Ang mga nanay na nagwagi sa Ten ONE kasama ang CEO ng KDCI na si Ate Me-an, COO na si Ate Judy at mga Area Manager na sina Kuya Dex at Kuya Gener. **Sa Kaliwa:** Ang pinarangalan ng Gawad MARCELO para sa taong ito na si Fr. Noel Vasquez, kasama si Ate Mean at Chairman of the Board na si Sir Nandy.



WIWAG: Para sa negosyong matatag!

ni Angelica Felimer

Sa pamamagitan ng Bato Balani Foundation ay nagkaroon ng libreng pagsasanay ang Kasagana-ka noong ika-17 - 21 ng Setyembre 2012. Ito ay tinatawag na *WIWAG Business Week*, kung saan labing anim (16) na dient beneficiaries at apat (4) na empleyado ng ang dumalo.

Ang WIWAG ay isang German word na nangangahulugan ng "*Business Week*". Ito ay limang araw na pagsasanay tungkol sa kung paano pamahalaan ang negosyo. Isa itong *simulation game* na ang bawat dumalo ay may kanya-kanyang tungkulin sa grupo bilang department heads ng isang kompanya.

Sa pagsasanay na ito ay nabigyan ng malawak na kaalaman ang mga dumalo na ang bawat departamento ng kompanya ay may mahalagang tungkulin sa matagumpay na pamamahala ng negosyo. Nabigyang linaw ang patungkol sa *Finance, Production Marketing at Human Resources*.

Nabigyan din sa pagsasanay na ito na hindi lamang puro kita ang dapat isipin ng mga negosyante kundi gayundin kung paano ito makakatulong sa kapaligiran. Kaya ang dapat pahalagahan at balansehin ng isang negosyante ay ang: 3Ps (*Planet, People at Profit*).



Ang mga CB at empleyado na nagsipagtapos sa *WIWAG Business week* noong Setyembre 20, 2012.

Mga CBs na Dumalo

- | | |
|--------------------------|---------------------------|
| 1. ESTELA RECATO | 9. FE MAKILANG |
| 2. GLORIA MIRABETE | 10. ADELAIDA TAUYAN |
| 3. ZENAIDA PITPIT | 11. PELAGIA BULA |
| 4. RACHEL VOLCAN | 12. TEODORICA ABALOS |
| 5. MERCEDES ELEQUIN | 13. LUISA ABRIGO |
| 6. MA. MARIE JANE NOVERA | 14. MARIA ADELAIDA MANERA |
| 7. JOCELYN ROMERO | 15. THELMA SAN JOSE |
| 8. TESSIE TEO | 16. MARTINIANA MANCIO |

Mga Empleyado na dumalo

- | |
|----------------------------|
| 17. ADELFA RAMOS |
| 18. MARY JANE GERONIMO |
| 19. MARIA MARCELA DACALLOS |
| 20. ANGELICA FELIMER |

LD Shout Out



Birthday smile. Isang simpleng *post-birthday celebration* para sa CEO ng KDCI na si Ate Mean kasama ang *Board of Trustees* at ilang empleyado noong Nobyembre 10, 2012.

Happy Birthday Ate Mean!



Natatanging BK na may 'K'

ni Angelyn Jolo

Maghapong nakatutok sa computer, taga-gawa ng *cheque*, taga-hunting ng signatories, taga-hawak ng susi, taga-file ng mga documents, taga-sinop ng cash ng field office, tagapabalik-balik sa Head Office at lahat na ng mga bagay na may kinalaman sa transaksyon ng opisina ay responsibilidad niya. Sa dami ng kanilang gawain, tunay ngang hindi makakakilos ang isang field office kung wala ang ating masisipag at matitiyangang mga bookkeeper (BK).

Bukod sa Socio-Economic Officer (SO) na lubhang mahalagang empleyado dito sa Kasagana-Ka, hindi natin maipagkakaila na mahalaga din ang papel ng ating mga BK. Kaya naman ang taun-taong pagkilala sa Natatanging BK ng Taon ay isang paraan upang bigyan ng *appreciation* ang kasipagan ng ating mga Bookkeeper.

Masaya at hindi makapaniwala, iyan ang hanggang ngayon ay nararamdaman ni Emma Garsuta o Ate Emma nang kila lanin siyang Natatanging Bookkeeper ng taong ito. Mahigit dalawang taon pa lang na Bookkeeper si Ate Emma, kaya hindi niya akalain na sa maigsiing panahon na iyon ay mabibigyang pansin ang kanyang trabaho.

Nagsimula si Ate Emma bilang SO ng Camarin Field Office noong 2006. Bilang SO, maraming pagsubok ang kanyang naranasan na nagpatatag sa kanya. Nang siya ay ma-assign sa Sumulong Field Office, doon niya naranasan ang umuwi ng gabing-gabi na dahil sa mga sitdown. Madalas din siyang nalilipasan ng gutom dahil sa pananatili ng matagal sa isang sentro.

Isa sa maituturing niyang pinakamalaking pagsubok na dumaan sa kanyang buhay ay noong nagkasakit ang kanyang anak na muntik na nitong ikamatay. Pinapili siya ng kanyang asawa, kung magtatrabaho ba siya o aalagaan ang kanyang anak. Hindi naging madali sa kanya ang pagdedesisyon dahil apektado ang kanyang personal na buhay at ang kanyang trabaho. Kaya naman nang nagkaroon ng opening para maging bookkeeper ay hindi na siya nag-atubili pang mag-aapply.

Taong 2010 nang magsimula siyang magtrabaho bilang Bookkeeper sa San Mateo Field office. Hindi naman naging mahirap para sa kanya ang magsimula sa bagong trabaho dahil bilang SO noon ay pamilyar na rin siya sa ginagawa ng bookkeeper.

Para sa kanya, hindi lang mga bagong kaalaman ang natutunan niya sa Kasagana-ka. Dito ay natuto siyang makisalamuha sa maraming klase ng ugali ng tao. Nang maging SO sya ay nakalibot siya sa iba't ibang lugar. Nakarating din siya ng Boracay kasama ang kanyang asawa, na noon ay parang pangarap lang para sa kanya.

Malaki ang pasasalamat nya sa Kasagana-Ka dahil kanyang nasusuportahan at nagagampanan ang kanyang obligasyon bilang *bread winner* ng pamilya. **Ang tanging maipapayo niya lamang sa mga kapwa niya empleyado ay mahalin, lalo pang pag-aralan, maging matapat sa trabaho at kung may matutunan man ay huwag magdamot na ibahagi ito sa mga kasamahan.**



Ang Natatanging BK ng Taon na si Emma Garsuta kasama ang CEO ng KDCI na si Ate Mean, Chairman of the Board na si Sir Nandy at ang CFO na si Ate Cathy.



Natatanging BK ng Taon. **Sa kanan:** Si Ate Emma, kasama ang iba pang nominado ng Natatanging Bookkeeper ng Taon na sina Ate April at Ate Jhudith. Kasama ang CEO ng KDCI na si Ate Mean, Chairman of the Board na si Sir Nandy at CFO na si Ate Cathy. **Sa kaliwa** (Photo courtesy of Melrose Luces' FB account): Ang buong team ng Padilla Field Office.

KA.LARO: ILABAS ANG TUNAY NA KULAY

ni Armeena Celine-Pascual Ramos

Pormal ng nagsimula ang KA.LARO noong Nobyembre 9, 2012 na ginanap sa covered court ng barangay Holy Spirit. Ito na ang ika-apat na taon ng pagsasagawa ng Sportfest, kung saan ang mga koponan na maglalaban laban para sa korona ng overall champion. Sa taong ito ang mga kalahok na koponan ay ang Red Team, Yellow Team, Blue Team, at Black Team.


Masiglang nilahukan ng lahat ang parada suot ang uniporme ng kani-kanilang mga koponan, mula Head Office papunta sa covered court. Nagsimula ang programa sa pamamagitan ng panalangin sa pangunguna ni Kuya Ernie Resullar ng MIS, na sinundan ng Pangako ng Pagtataya na pinangunahan ng bagong hire na Bookkeeper na si Melanie Cerida. Ang Pangako ng Kagalingan sa Paglalaro (Oath of Sportsmanship) ay pinangunahan ni Albert Sicujan ng FO ng Meycauayan.

Ang Ka.Laro ay naglalayon na mapatibay at mapagbuklod ang samahan at ugnayan ng mga empleyado. Na ito naman ay inaasahang magdudulot ng inspirasyon sa pagtupad ng mga gawain at tungkulin.

Ka. Laro Team Standings (First Day)

1st- 100 points **2nd**-75 points **3rd**-50 points **4th**-25 points

Games		Red		Black		Yellow		Blue	
Treasure Hunting		100 pts.		50 pts.		25 pts.		75 pts.	
Touch Ball		25 pts.		50 pts.		75 pts.		100 pts.	
Team Relay		25 pts.		100 pts.		50 pts.		75 pts.	
Badminton	Girls A	50	175 pts.	75	250 pts.	100	225 pts.	25	100 pts.
	Girls B	100		75		50		25	
	Boys	25		100		75		50	
Volleyball									
Basketball									
Total Points		325 pts.		450 pts.		375 pts.		350 pts.	



Mga Nagsulat
Angelica Felimer
Norman Los Añes

Nagsaayos
Angelyn Jolo

Editor
Armeena Celine-Pascual
Ramos

Ang **Laksang-Diwa** ay ang opisyal na pahayagan ng Kasagana-Ka Development Center Inc. Ito ay inilalabas sa tuwing ikatlong buwan(Quarterly) at ito ay masikap na isinasabay sa inilalathala ng buong team ng Human Resources Management and Development Services



Leading ang **Black Team**,

Sinusundan ng **Yellow Team**,

Naglinis ang **Red at Blue Team**,

Sino kaya ang mananalo sa Basketball?

Eh sa volleyball?

Mauungusan ba ng **Yellow Team** ang **Black Team**?

Makakabawi pa kaya ang **Red Team**?

Nakangiti o luhaan bang uuwi ang **Blue Team**?

May **magnegative** bang score dahil sa madaming **deductions**?

Sino ang **magkakampeon** sa Sportsfest na ito?

Lahat ng kasagutan ay malalaman sa pagpapatuloy ng **Ka.Laro 2012** sa November 23...

Let's get it on!